

LA USC DI LADINS – VENERDÌ 25 OTTOBRE 2013

L SUNS ruva damprò

La finala dla cuinta edizion de SUNS sarà la sabeda ai 9 de november al Teater Navalge a Moena/Fascia

Mujiga - Nuef sarà i grups de SUNS 2013, la cerna taliana y alpina dl Liet International, Festival internazional dla ciantia tl lingaz

de mendranza, che sonarà y ciantarà por la deventa a Moena tla Ladinia y tl Trentin ai 9 de november, da les 21:00, al Teater Navalge.

Cie é pa SUNS?

SUNS é n event musical nasciù dl 2009 tl Friùl per promueve y mete a confront les mujighes de mendranza d'Europa. Tratant cater edizions él chersciù de cualité y per numer de partezipanc se deslarian fora ence a d'autres arees de mendranza. Dl 2011 él ruvé tla Svizera tl Cianton Grijon per jonje chest ann tl Trentin, te Fascia, cuer dles Dolomites patrimone mondial UNESCO. L'edizion 2013 é coordinada da la Provinzia autonoma de Trent, l'assoziazion culturala La Grenz de Moena, l'ARLeF y Radio Onde Furlane en colaborazion con la Region Trentin-Südtirol, l'Istitut Cultural Ladin "Majon di Fascegn", l'Comun general de Fascia, l'Azienda per l'Turism Val de Fascia, La Usc di Ladins y l'Uniun Ciantauturs Ladins-UCL.

I concorenc

Endut saral da audì chisc ot solisé respetivamente grups: 322 (Franco-provenzai), Dinatatak (Catalans), Doctors de Trobar (Ozitans), ForeFingers Up! A new Balentia's Joint (Sards), Luna e un quarto (Furlans), Peppa Marriti Band (Arbrëshe), Phantom (Ladins de Gherdëina), Tawnee (Rumanc) y Stefano Merighi (Ladin de Fascia).
(ir)